



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De gemina processione Spiritus sancti temporali & æterna. A. B. C.

urn:nbn:de:hbz:466:1-38829

est aut genitum, aut factum. Atq; in diuisionis hu-
ius prosecutioe, in assignatione ingeniti, vbiq;
ponit non natum.

QVOD GEMINA EST PROCESSIO
SPIRITVS SANCTI.

DISTINCT. XIV.

A

PTAETEREA diligenter adnotandum est, quod
gemina est processio Spiritus sancti: eterna vi-
delicet, quæ ineffabilis est, qua à patre & filio
eternaliter & sine tempore processit: & temporalis,
qua à patre & filio ad sanctificandā creaturā pro-
cedit. Et sicut ab æterno cōmuniter ac simul pce- *Cap. 17. ad*
dit à patre & filio, ita & in tempore cōmuniter, & *principium.*
simul ab utroq; procedit ad creaturam, non diui-
sum à patre in filium, & à filio ad creaturam. Vnde
Aug. in 15. libr. de Trin. ait, Spiritus sanctus non
de patre procedit in filium, & de filio procedit ad
sanctificandā creaturam: sed simul de utroque
procedit. quamuis hoc filio pater dederit, vt sicut
de se, ita etiam de illo procedat.

De temporali processione spiritus sancti speciali-
ter agitur.

De temporali autē processione, Beda in Homil. *mi iarum et*
Dominice primæ post ascensionē ita loquitur. Cū *strialum.*
gratia spiritus sancti datur hominibus, profecto *Homilia*
mittitur spiritus à patre, mittitur & à filio: proce- *vndecima.*
dit à patre: predit & à filio: quia & eius missio est *qua domi-*
ipsa pcessio H:is verbis aperte ostendit, donationē *nica Exaudi*
gratia spiritus sancti dici pcessionē vel inmissionē *dicitur in*
eiusdem. Sed cū donatio vel datio non sit tēpora- *principio.*
lis, constat quia hæc processio siue missio tēpora-
lis est. Hanc quoq; tempo alem Sp. r. sancti pro-
cessionē Aug. in 15. lib. de Trin. insinuat, dices: Spi-
ritus sanctus processit à Christo, quādo post resur-
rectionem inflavit in discipulos, his verbis: Cum *Cap. 26. ad*
resurrexisset Christus à mortuis, & apparuisset di- *principiū.*
scipulis,

*Ioan. 20. f.**Iou. 6. c.**Ibid fere**immediat.**Ioan. 20. f.**Actor. 2. a**Ibid. paulo**superius.**August. ad**principiū.**cap. 26.**Mat. 28. d.**Actor. 2. a**Amb. 10. 2.**Eg. 4. post**medium.**Psal. 103.**Actor. 9. c.*

scipulis, insufflauit, & ait: Accipite Sp. sanctum ut etiam eum de se procedere ostenderet: & ipse est virtus quæ de illo exibat (ut legitur in Euangelio) & sanabat omnes. Et ut ostenderet hanc processione spiritus sancti nō esse aliud quam donationem vel dationē ipsius spiritus sancti, addidit. Post resurrectionē Domin⁹ Iesus bis dedit spiritum sanctū: semel in terra propter dilectionē proximi, & iterū de celo propter dilectionem Dei: quia per ipsum donum diffunditur charitas in cordibus nostris, qua diligimus Deum & proximum.

Quod aliqui dicunt ipsum spiritum sanctum non dari, sed dona eius.

C

SUNT autem aliqui qui dicunt spiritū sanctum ipsum Deū non dari, sed dona eius, quæ non sunt ipse spiritus: & ut aiunt, spiritus sanct⁹ dicitur dari cum gratia eius, quæ tamē nō est ipse qui datur hominibus. & hoc dicunt Bedam sensisse in superiorib⁹ verbis, quibus dicit spiritum sanctum procedere, cum ipsi⁹ gratia datur hominib⁹: tanquā non ipse detur, sed gratia eius. Sed q̄ ipse spiritus sanctus, qui Deus est, & tertia in Trin. persona, detur, aperte dicit Augu. in decimoquinto libro de Trin. ita dicens: Eundem Sp. sanctum datum cū insufflasset Iesus, de quo mox ait: Ite, baptizate omnes gentes in nomine Patris, & Filii, & Sp. sancti, ambigere nō debem⁹. Ipse est ergo qui etiā de cœlo datus est die Pentecostes. Quomodo ergo Deus nō est qui dat spiritum sanctum, imo quantus est Deus qui dat Deum? Ecce his verbis aperte dicit spiritum sanctum ipsum, scil. Deum dari homini b⁹ à patre, & à filio. Et quod ipse spiritus sanctus, qui De⁹ est, ac tertia in Trin. persona, nobis detur, nostrisque infundatur atque illabatur mentib⁹, aperte ostendit Ambros. in lib. 1. de spiritu sancto dicens: Licet multi dicantur spiritus: quia legitur. Qui facit angelos suos spiritus: unus est tamē

Dei